

PËRMBLEDHJE

Drejtoria për Kulturë, Rini dhe Sport e Komunës së Obiliqit, gjatë periudhës njëvjeçare të punës (janar-dhjetor 2022), ka përfunduar aktivitetet të planifikuara në kuadër të Planit vjetori të Punës për vitin 2022, bazuar në kompetencat, objektivat dhe synimet e përgjithshme të drejtorisë duke udhëhequr me resurset (burimet) lokale kulturore, sportive e rinore të komunës së Obiliqit.

Drejtoria për Kulturë, Rini dhe Sport e Komunës së Obiliqit, e përbërë prej sektoreve: Kulturë, Rini dhe Sport dhe ai i Bibliotekës, me një buxhet të planifikuar për vitin 2022, ka realizuar aktivitete e projekte në kuadër të këtyre tri sektoreve.

Aktivitetet e realizuara nga Drejtoria e Kulturë, Rinisë dhe Sportit, janë të bazuara në objektivat e përgjithshme të drejtorisë dhe në misionin e saj për zhvillimin e aktiviteteve kulturor-artistike, sportive, rinore, fuqizimin e rinisë dhe pjesëmarrjen e saj në aktivitete, ruajtjen e trashëgimisë kulturore dhe artitektonike, shënimin e datave të rëndësishme historike, respektimin dhe nderimin e vlerave të luftës çlirimtare, promovimin e identitetit të komunës dhe përkrahjen e sportistëve e të rinjve.

Personeli i DKRS-së, ka bërë përpjekje maksimale në kuadër të kompetencave të drejtorisë, duke përmbushur planin e punës, qëllimet dhe objektivat për vitin 2022. Bashkëpunimi me OJQ-të, strukturat e nivelit lokal, institucionet kulturës dhe artit të nivelit qendror, ka qenë konstruktiv dhe ka rezultuar me sukses në disa prej aktiviteteve të realizuara gjatë kësaj periudhe.

Në këtë raport njëvjeçar (janar-dhjetor) të punës janë të përfshira aktivitetet e zhvilluara në drejtori, duke përfshirë aktivitetet e projektet në fushën e kulturës, trashëgimisë kulturore e historike, sportit dhe rinisë.

Drejtoria për Kulturë, Rini dhe Sport konsideron se ka arritur me sukses realizimin e objektivave të planifikuara gjatë vitit, duke realizuar mbi pesëdhjetë e pesë (55) aktivitete gjatë vitit 2022.

Aktivitetet e DKRS-së në periudhën raportuese Janar-Dhjetor 2022:

➤ *Përgatitja dhe hartimi i Planit të Punës së Drejtorisë për Kulturë, Rini dhe Sport për vitin 2022*

Drejtoria për Kulturë, Rini dhe Sport duke u bazuar në synimet dhe objektivat e përgjithshme, ka hartuar një Plan të pasuruar të Punës për vitin 2022, duke planifikuar një sërë aktiviteteve kulturore, artistike, sportive e rinore, të cilat janë realizuar në bashkëpunim me OJQ-të e komunës së Obiliqit.

➤ *Formimi i Këshillit Organizativ për organizimin e të gjitha aktiviteteve të planifikuara sipas Planit të Punës së DKRS-së për vitin 2022*

Me vendim të Kryetarit të Komunës, është formuar Këshilli Organizativ për organizimin e të gjitha aktiviteteve të planifikuara sipas Planit të Punës së DKRS-së për vitin 2022, me qëllim të bashkërendimit, koordinimit të mirëfilltë në realizimin sa më të suksesshëm të aktiviteteve.

➤ *Kontrollimi i raporteve të projekteve të subvencionuara nga DKRS-ja nga viti paraprak: Zyrarët e DKRS-së, kanë pranuar raportet financiare dhe narrative të oj-q-ve kulturore, sportive e rinore që kanë qënë përfituese nga thirrjet publike për subvencionim gjatë vitit 2021.*

➤ *Në bashkëpunim me Drejtorinë e Infrastrukturës Lokale, DKRS-ja ka hartuar projektet kapitale lidhur me investimet e nevojshme në fushën e Kulturës, Trashëgimisë, Sportit dhe Rinisë.*

- Në fushën e trashëgimisë kulturore dhe arkitektonike, është realizuar *projekti "Rikonstruktimi i krojeve në fshatin Shipitullë"*, vlera totale e projektit: 30,328.20€, projekti është realizuar sipas planit dinamik të paraparë.
- Në fushën e sportit, është realizuar projekti në bashkëpunim me Drejtorinë për Mbrojtje dhe Mjedis, ku është bërë rregullimi i dy fushave sportive: Fusha sportive tek parku në Llazarevë, vlera e projektit: 22,735.45€ dhe fusha sportive tek parku në rrugën "Mbretresha Teutë", vlera e projektit: 43,091.38€

➤ *Përgatitja e planit të prokurimit për projektet kapitale.*

➤ *Përgatitja e projekteve në kategorinë Mallra dhe shërbime*

- DKRS-ja, gjatë vitit 2022 ka patur të planifikuara 51,789.00€, të cilat i ka shpenzuar në total për realizimin e projekteve për nevojat e institucionit.

➤ *Shpallja e Thirrjes Publike për subvencionim nga DKRS-ja për vitin 2022*

Drejtoria për Kulturë, Rini dhe Sport, në kuadër të kategorisë së subvencionimit, për vitin 2022 ka planifikuar vlerën prej 45 mijë euro, ku ë përmes dy thirrjeve publike (Thirrja e I: XIV-35 me datë 17.03.2022 dhe Thirrja e II:XIV-103 me datë 10.06.2022), ka ofruar mbështetje financiare të gjitha organizatave jo-qeveritare kulturore, sportive, rinore si dhe individëve të regjistruar në Republikën e Kosovës, që veprojnë në komunën e Obiliqit, programi i të cilave është i fokusuar në ruajtjen e traditës kulturore, fuqizimin dhe avancimin e të rinjëve dhe sportit.

➤ ***Organizimi i takimeve me OJQ-të, klubet sportive e shoqatat kulturore si dhe vizita e klubeve sportive, ojq-të rinore dhe kulturore***

Drejtoria për Kulturë, Rini dhe Sport, përveç takimeve të vazhdueshme me palë, me qëllim të koordinimit të vazhdueshëm në realizimin e aktiviteteve të shumta sportive, rinore e kulturore, ka organizuar takime me OJQ-të, klubet sportive e shoqatat kulturore që veprojnë në komunën e Obiliqit (tri takime gjatë vitit), si dhe për t'u njoftuar nga afër me sfidat, vështirësitë por edhe të arriturat e tyre Drejtoria e Kulturës, Rinisë dhe Sportit ka realizuar vizita në teren në klubet sportive, ojq-të rinore dhe kulturore.

➤ ***Shënimi i 14- vjetorit të Pavarësisë së Republikës së Kosovës***

Për nder të 17 Shkurtit- Ditës së Pavarësisë së Republikës së Kosovës, nën përkujdesjen e Drejtorisë për Kulturë, Rini dhe Sport është shënuar kjo datë me një sërë aktivitete:

- Ceremonia e homazheve pranë Pllakës Përkujtimore të Dëshmoreve të Kombit në Sheshin e qytetit të Obiliqit.
- Ceremonia e homazheve në Kompleksin Memorial “Adem Jashari” në Prekaz.
- Fluturimi i paragllajdistëve “Shqiponjat e Kastriotit” mbi qiellin e qytetit të Obiliqit.
- Mbajtja e manifestimit kulturor-artistik në Shtëpinë e Kulturës “Xhavit Haziri”, ky program i pasur kulturor u realizua në bashkëpunim me nxënësit e Gjimnazit “17 Shkurti”, nën tingujt e këngeve dhe valleve nga AKV “Qyteti i Obiliqit” dhe të rinjtë nga Qendra Rinore.
- Nën patronatin e Kryetarit të Komunës së Obiliqit, Xhafer Gashi, nën përkujdesjen e DKRS-së, është organizuar takimi me akterë të ndryshëm që ndër vite kontribuan në jetën teatrale në Komunën e Obiliqit, qoftë aktorë, regjisorë, punonjës tjerë të kësaj fushe, ku për të gjithë këta kontributdhënës u ndan mirënjohje nga komuna e Obiliqit.

➤ ***Shënimi i 8 Marsit - Ditës Ndërkombëtare të Gruas***

Drejtoria për Kulturë, Rini dhe Sport ka shënuar 8 Marsin – Ditën Ndërkombëtare të Gruas me aktivitete të shumta duke përcjellur mesazhe të fuqishme për gratë;

- Realizimi i aktivitetit "Këpucët e kuqe" - me iniciativë nga Rrjeti i Grave të Kosovës, organizuar nga DKRS-ja dhe Qendra Rinore, ku në amfiteatrin e Sheshit të qytetit "Dëshmoret e Kombit" janë vendosur 48 këpucë të kuqe që simbolizojnë 48 gra të vrara nga dhuna në familje. Ky aktivitet sensibilizues dha mesazhin e qartë, se gratë e komunës së Obiliqit, kundërshtojnë çdo dhunë që cenon dinjitetin e gruas e deri marrjen e jetës.
- Forum-teater, i veprës "Jam unë ajo" – Drejtorja e Kulturës, në bashkëpunim me dramaturget znj.Valmire Thaqi dhe znj.Diturie Neziraj, kanë realizuar forum-teatrin e veprës "Jam unë ajo", duke trajtuar një temë mjaft të ndjeshme, shumë pak të diskutuar në shoqërinë tonë, temën e depresionit pasnatal (paslindjes) tek gratë. Pas dhënies së shfaqjes teatrale, është realizuar diskutimi i hapur ku zonjat e pranishme kanë prezantuar përvojat e tyre jetësore në gjendjen pasnatale.

➤ **Garat Komunale në Hendboll**

Në kuadër të kalendarit të garave sportive, DKRS-ja në bashkëpunim me DKA-në dhe Shoqatën e Pedagoqeve, kanë organizuar garat komunale në Hendboll, nën pjesëmarrjen e 5 ekipeve, ku fituese të kësaj gare dolën: Gjimnazi "17 Shkurti" dhe SHFMU "Dr.Ibrahim Rugova" me ekipin e vajzave dhe djemëve. Fituesit e këtyre gara kanë përfaqësuar komunën e Obiliqit në garat regjionale, ku kanë arritur rezultate maksimale duke u renditur në vendet e para.

➤ **Shënimi i 6 Prillit- Dita Ndërkombëtare e sportit për zhvillim dhe paqe**

Drejtorja për Kulturë, Rini dhe Sport në bashkëpunim me Komitetin Olimpik të Kosovës, ka shënuar 6 Prillin- Ditën Ndërkombëtare të sportit për zhvillim dhe paqe, kjo datë u realizua nga klubet e sporteve të komunës së Obiliqit duke praktikuar sportet si; basketboll, karate, paragllajd, kickboks,etj.

➤ **Dita e Filmit për Fëmijët**

Në Shtëpinë e Kulturës "Xhavit Haziri", në bashkëpunim me Supervullnetaret "Fenerat e Ndrirshëm" është organizuar Dita e Filmit për Fëmijët, në dy termine me grupmoshat nga klasa e parë (I) deri në klasën e nëntë (IX). Kjo ditë e filmit u shënuar me 17 prill 2022.

➤ **Maratona "Know and address antigypsism"**

Drejtorja e Kulturës, Rinisë dhe Sportit në bashkëpunim me organizatën Teach For Kosova dhe VoRAE, kanë realizuar maratonën "Know and address antigypsism", mesazhi i kësaj maratone ishte sensibilizues për luftimin e pabarazive sociale dhe përkrahjen e komuniteteve jo-shumicë. Kjo maratonë u mbajt me 22 prill 2022.

➤ ***Shënimi i 5 Majit- Dita e Dëshmorëve të Kombit***

- Ceremonia e homazheve në nderim të Dëshmorëve të Kombit- Shënimi i 5 Majit “Dita e Dëshmorëve të Kombit” , pranë Pllakës Përkujtimore të Dëshmorëve në Sheshin e Qytetit “Dëshmoret e Kombit”.
- Nën patronatin e Kryetarit të Komunës së Obiliqit, Xhafer Gashi dhe nën përkujdesjen e Drejtorisë për Kulturë, Rini dhe Sport, është shënuar 5 Maji- “Dita e Dëshmorëve të Kombit” përmes një akademie përkujtimore e cila u përcoll më monolog nga nxënësja e Gjimnazit “17 Shkurti” Drilona Dedinca, deklamim poezish nga Teatri i Qytetit dhe valle e këngë nga AKV “Qyteti i Obiliqit”.

➤ ***Panairi i Shkencës***

Në Shtëpinë e Kulturës “Xhavit Haziri” është mbajtur Panairi i Shkencës, projekt i përkrahur nga Caritasi Zviceran në kuadër të projektit INTERK. Në këtë Panair u zhvilluan eksperimente dhe aktivitete të tjera shkencore, edukative dhe argëtuese, ku pjesëmarrsëve iu ofruan mundësitë e shkëmbimit të përvojave me njëri-tjetrin dhe u theksua rëndësia e orëve praktike në lëndët shkencore. Ky Panair u mbajt me 20 maj 2022.

➤ ***Festivali i Tenisit- “Tennis Festival”***

Në mesin e komunave të Kosovës, Federata e Tenisit të Kosovës (FTK) ka organizuar festivalin e Tenisit, nën pjesëmarrjen e 200 nxënësëve të grupmohave nga 5 vjeç deri në 8 vjeç. Qëllimi i këtij festivali ishte masovizimi i sportit të tenisit si dhe identifikimi i talentëve të rinjë në këtë fushë. Ky festival u mbajt me 30 maj 2022.

➤ ***Diversiteti përmes Artit***

Në Shtëpinë e Kulturës “Xhavit Haziri” është shënuar aktiviteti “Diversiteti përmes Artit”, projekt i përkrahur nga Caritasi Zviceran në kuadër të projektit INTERK. Në këtë aktivitet ishin pjesëmarrës 80 fëmijë dhe të rinjë nga shkollat e ndryshme dhe përmes këtij projekti është synuar përfshirja dhe ofrimi i barbartë të mundësive për pjesëmarrje dhe shprehje të ideve përmes diversitetit në art, muzik, letërsi dhe shkrim. Ky aktivitet u zhvillua me 27 maj 2022.

➤ ***Shënimi i 1 Qershorit – Dita Ndërkombëtare e Fëmijëve***

Drejtorja për Kulturë, Rini dhe Sport në bashkëpunim me Drejtorinë Komunale të Arsimit dhe Qendrën Rinore, u përkujdesen për shënimin e 1 Qershorit –Ditës Ndërkombëtare të Fëmijëve nën moton “Fëmijë të lumtur, prindërim i suksesshëm, shoqëri e realizuar” , duke përcjellur me aktivitete të shumta, fillimisht me këngë, lojëra e argëtim në Amfiteatrin e Sheshit të Qytetit “Dëshmorët e Kombit”, për të vazhduar në Shtëpinë e Kulturës “Xhavit Haziri” ku fëmijët kanë përcjellur film vizatimor.

➤ ***Takimi informues për projektin “Pjesëmarrja e të Rinjve të Kosovës -Kosovo Youth Participation” – KYP***

Në sallën e Kuvendit Komunal të Obiliqit, është mbajtur takimi informues për të rinjët e Komunës së Obiliqit në lidhje me projektin “Pjesëmarrja e të Rinjve të Kosovës-Kosovo Youth Participation KYP”, i financuar nga BE-ja dhe zbatohet nga CARE Deutschland zyra për Kosovë. Në mesin e tetë (8) komunave të Kosovës, në këtë projekt përfshihet edhe komuna e Obiliqit dhe synimi i këtij projekti është rritja e pjesëmarrjes së të rinjve në proceset vendimarrëse në komunitetet lokale dhe nivel qendror. Përkatësisht, të rinjve dhe të rejave pjesëmarrëse do ju ofrohet mundësia për rritjen e kapaciteteve nga ekspertet e fushës në aftësitë e buta në temat: të drejtat e njeriut, teknikat e avokimit, aktivizimi rinor si dhe mundësi punësimi përmes komponentës së dytë të projektit masa Aktive e Tregut të Punës dhe në ndërmarrësi apo Start-up. Ky takim njoftues u mbajt me 7 qershor 2022.

➤ ***Shënimi i Javës Aerounatike të Kosovës- “Kastriot Open 2022”***

Në bashkëpunim me Klubin e paraglajding-ut “Shqiponjat e Kastriotit”, në Stadiumin “Agron Rama”, është shënuar Java Aerounatike e Kosovës “Kastriot Open 2022” nga 09 Qershori deri me 12 Qershor, kjo javë është shënuar me aktivitete të shumta që lidhen me këtë sport.

➤ ***Shënimi i 14 Qershorit – Ditës së Çlirimit të Komunës së Obiliqit***

Drejtorja për Kulturë, Rini dhe Sport, nën patronatin e Kryetarit të Komunës së Obiliqit, z.Xhafer Gashi, ka shënuar aktivitete të shumta kulturore dhe sportive në shënimin e 14 Qershorit – Ditës së Çlirimit të Komunës së Obiliqit, duke organizuar aktivitetet si në vijim:

- 11 Qershori – Krisma e parë e Lirisë në fshatin Hamidi- në bashkëpunim me Shoqatat e Dalura nga Lufta të Komunës së Obiliqit, Vushtrrisë dhe Fushë-Kosovës, është shënuar 24 vjetori i Betejës së Hamidisë, duke shënuar fillimin e Javës së Çlirimit të Komunës së Obiliqit. Ky program u përcoll me një evokim të kësaj ngjarje historike nga vajza e bashkëpjesëmarrësit të kësaj beteje, Laura Saraqi për të vazhduar me një pikë artistike të interpretuar nga këngëtari z.Besim Haliti, kushtuar Betejës së Hamidisë.
- Ceremonia e homazheve pranë Pllakës Përkujtimore të Dëshmoreve të Kombit në Sheshin e Qytetit “Dëshmorët e Kombit” dhe ceremonia e homazheve në Kompleksin Memorial “Adem Jashari” në Prekaz.
- Turniri i Shahut- në bashkëpunim me Qendrën Rinore, është realizuar Turniri i Shahut, aktivitet ky i realizuar në Shtëpinë e të Moshuarve.
- Turniri i Boksit- në bashkëpunim me Klubin e Boksit “Kastrioti” dhe Federatën e Boksit të Kosovës është realizuar Turniri i Boksit në Amfiteatrin e Sheshit të Qytetit, nën

pjesëmarrjen e 70 ekipeve. Prezent në këtë spektakel të jashtëzakonshëm ishte edhe boksieri z.Aziz Salihu.

- Akrobacion nga Klubi i Gjinnastikës “Obilqiqi”- në Sheshin e Qytetit “Dëshmorët e Kombit” në shënim të 14 Qershorit, është dhënë spektakel i jashtëzakonshëm me akrobacione nga vajzat e zellshme të Klubit të Gjinnastikës “Obilqiqi”.
- Manifestimi Qendror për Ditën e Çlirimit – Komuna e ka përmbyllur aktivitetet për Ditën e Çlirimit, me Manifestimin Qendror, i mbajtur në Shtëpinë e Kulturës “Xhavit Haziri”, manifestim ky i cili u përcoll me monologun “Trojet Shqiptare” nga nxënësja e Gjimanzit “17 Shkurti”, Vëtima Sadiku dhe me pikat artistike e këngë nga Ansambli i Këngëve dhe Valleve “AKV Qyteti i Obilqiqit”.
- Përrurimi i Bibliotekës së Qytetit- në Ditën e Çlirimit të Komunës së Obilqiqit 14 Qershorit, është bërë përrurimi i Bibliotekës së Qytetit, një projekt madhor dhe i mirëpritur nga të gjitha grupmoshat. Përrurimin e këtij projekti madhor e ka bërë Kryetari i Komunës së Obilqiqit, z.Xhafer Gashi, së bashku me qytetarët të shumtë, nxënës dhe studentë.

➤ *Aktivitetet kushtuar “Ditëve të Diasporës”*

Drejtorja për Kulturë, Rini dhe Sport është përkujdesur që për nder të mërgatës shqiptare të organizojë aktivitete kushtuar pikërisht atyre, kësisoj është organizuar:

- **Koncerti “T’i këndojmë Diasporës”:** ky koncert është mbajtur në Sheshin e Qytetit “Dëshmorët e Kombit”, gjatë dy netëve (12 dhe 13 gusht 2022), ku gjatë natës së parë është përcjellur me muzikë nga dhjetë (10) artistët të Komunës së Obilqiqit dhe nata e dytë nën muzikën e këngëtarës, Shkurte Gashi.
- **Festivali 1st NewBorn:** ky festival është organizuar në kuadër të Koncerti të Diasporës, në natën e 13 gusht 2022, në bashkëpunim me FIDAF Kosova. ku pjesëmarrës në këtë festival ishin tetë (8) shtete të botës: (Polonia, Turqia, Kolumbia, Kameruni, Argjentina, Bullgaria, Maqedonia, Sllovakia).
- **Defilimi i 200 motoçiklistëve nëpër qendër të qytetit,** duke sjellur adrenalinë dhe spektakel të jashtëzakonshëm në qytet, me pjesëmarrjen e motoklubeve nga Kosova, Shqipëria dhe Maqedonia.
- **Aktiviteti sportiv: Fluturimi i paragllajdistëve “Shqiponjat e Kastriotit”** mbi qytet.

➤ *Shënimi i 12 gushtit- Dita Ndërkombëtare e Rinisë*

- Punëtorja me të rinjtë e komunës së Obiliqit dhe Graçanicës, mbi temën e mjedisit të pastër, përmes pikturimit dhe pasqyimit të ideve të të rinjve se si duhet të ruhet dhe mbrohet mjedisi, kjo punëtori është mbajtur në bashkëpunim me Qendrën Rinore dhe OSBE-në.
- Aktiviteti sportiv tradicional “Streetball 2022” edicioni i dytë, në Sheshin e Qytetit “Dëshmorët e Kombit” nën pjesëmarrjen e 12 ekipeve nga qytetit i Obiliqit dhe komunat përreth: Lipjani, Prishtina dhe Fushë-Kosova.
- Aktiviteti sportiv: Turniri në Basketboll me grupmoshat U16, në Palestrën Sportive “Adem Jashari”, prezent tetë (8) ekipe nga qytetet e Kosovës dhe nga qytetet nga Maqedonia e Veriut.

➤ ***Shënimi i aktivitetit “Dita pa Makina” –(19 shtator 2022)***

Drejtorja për Kulturë, Rini dhe Sport në bashkëpunim me Drejtorinë për Mbrojtje dhe Mjedis dhe Ministrinë e Mjedisit, Planifikimit Hapësinor dhe Infrastrukturës, kanë shënuar aktivitetin simbolik "DITA PA MAKINA" përmes biçikletave. Qëllimi i këtij aktiviteti ishte ngritja e vetëdijesimit të qytetarëve duke ndikuar në ruajtjen dhe mbrojtjen e mjedisit duke shfrytëzuar sa më shumë lëvizje me biçikletë, transportin publik si dhe mjetet tjera alternative të cilat shkaktojnë sa më pak apo zero ndotje.

➤ ***Shënimi i Javës Rinore 2022 – (21 shtator – 30 shtator)***

Drejtorja për Kulturë, Rini dhe Sport në bashkëpunim me Qendrën Rinore dhe OSBE-në, kanë shënuar Javën Rinore 2022, duke përcjellur me aktivitete të shumta, si vijon:

- Turnir në Basketboll me personat me nevoja të veçanta,
- Aktiviteti në shah, me të rinjtë dhe grupmoshën e pensionistëve,
- Aktiviteti në pingpong, me të rinjtë
- Kinema e hapur
- Ligjeratë vetëdijuese “Siguria e të rinjëve”

➤ ***Kampionati Individual në Boks – (21 tetor-22 tetor 2022)***

Në Palestrën Sportive "Adem Jashari", është mbajtur Kampionati Individual i Kosovës në Boks, organizuar nga Federata e Boksit të Kosovës, në bashkëpunim me Drejtorinë për Kulturë, Rini dhe Sport të Komunës së Obiliqit.

➤ **Garat Komunale në Hendboll (03 nëntor 2022)**

Në kuadër të kalendarit të garave sportive, DKRS-ja në bashkëpunim me DKA-në dhe Shoqatën e Pedagoqeve, kanë organizuar garat komunale në Vollejboll, ku fituese të kësaj gare dolën: ekipi nga Gjimnazi “17 Shkurti”.

➤ **Koncerti i Filharmonisë së Kosovës (10 nëntor 2022)**

Nën përkujdesjen e Drejtorisë për Kulturë, Rini dhe Sport në bashkëpunim me Filharmoninë e Kosovës, për artdashësit e kulturës dhe artit, në skenën e Shtëpinë së Kulturës “Xhavit Haziri” u dha Koncerti madhështor i Orkestrës Frymore të Filharmonisë së Kosovës. Me një program të pasuruar artistik, me solist e artistë profesionistë, qytetarët e Obiliqit patën rastin të përcjellin tingujt e bukur të veprave nga artistë të shumtë. Ndër emrat e solistëve të pranishëm gjatë mbrëmjes së djeshme ishte edhe Sopranoja njohur, znj. Adelina Paloja, e cila vjen nga qyteti i Obiliqit.

➤ **Turniri tradicional në Kik-Boks – (20 nëntor 2022)**

Në kuadër të javës së shënimit të festës së flamurit- 28 Nëntorit, në Palestrën Sportive "Adem Jashari", është mbajtur turniri në Kik-Boks, i cili është organizuar nga Klubi i Kik-Boksit "Arbër" në bashkëpunim me Drejtorinë për Kulturë, Rini dhe Sport të Komunës së Obiliqit. Në këtë garë, ishin pjesëmarrës klube nga Kosova, Shqipëria dhe Mali i Zi.

➤ **Shënimi i 28 Nëntorit- Ditës së Flamurit Kombëtar**

Për nder të 28 Nëntorit- Ditës së Flamurit Kombëtar, daljes së parë publike të Ushtrisë Çlirimtare të Kosovës, ditëlindjes së Komandantit Legjendar Adem Jashari, nën patronatin e Kryetarit të Komunës së Obiliqit, z.Xhafer Gashi dhe nën përkujdesjen e Drejtorisë për Kulturë, Rini dhe Sport është shënuar kjo datë me aktivitetet si në vijim;

- Ceremonia e homazheve në Kompleksin Memorial “Adem Jashari” në Prekaz.
- Ceremonia e homazheve pranë Pllakës Përkujtimore të Dëshmoreve të Kombit në Sheshin e qytetit të Obiliqit.
- Manifestimi kulturor-artistik në Shtëpinë e Kulturës “Xhavit Haziri”, ky program i pasuruar kulturor u realizua në bashkëpunim me shkollën "Dr.Ibrahim Rugova", Ansamblin dhe Teatrin e Qytetit, nën tingujt e bukur me motive të festës së 28 Nëntorit, Ushtrisë Çlirimtare të Kosovës dhe Komandantit Legjendar Adem Jashari.

➤ ***Koncerti i Ansamblit Kombëtar të Këngëve dhe Valleve AKKV “SHOTA”- (30 nëntor 2022)***

Nën përkujdesjen e Drejtorisë për Kulturë, Rini dhe Sport në bashkëpunim me AKKV “SHOTA”, në sallën e Shtëpisë së Kulturës “Xhavit Haziri” u dha koncerti i Ansamblit SHOTA, me peisazh koreografik “Retrospektivë 50 vjeçare e Koreografit Xhemali Berisha”.

➤ ***Shfaqja e dramës për fëmijë të filmit vizatimor “Tomi dhe Xheri” –(19 dhjetor 2022)***

Drejtorja për Kulturë, Rini dhe Sport, në kuadër të aktiviteteve të saj, është përkujdesur që për fundvit të sjellë edhe aktivitete të shumta e argëtim për fëmijët e Komunës së Obiliqit. Me këtë rast, në sallën e Shtëpisë së Kulturës “Xhavit Haziri” u dha shfaqja e dramës të filmit vizatimor shumë të dashur për fëmijët “Tomi dhe Xheri”.

➤ ***Akademi Mirënjohjeje – shënimi i 40 vjetorit jubile të i bashkimit politik të organizatave patriotike- Krijimi i LPK-së- (20 dhjetor 2022)***

Në bashkëpunim me shoqatën “Lëvizja” dhe nën përkujdesjen e Drejtorisë për Kulturë, Rini dhe Sport, është shënuar 40 vjetorit jubile të i bashkimit politik të organizatave patriotike- Krijimi i LPK-së, përmes një akademie e përcjellur me njoftim të shkurtër lidhur me veprimtarinë e kësaj lëvizjeje dhe me pjesë artistike të deklamimit të poezive nga Teatri i Qytetit.

➤ ***Koncerti i Korit të Fëmijëve “Okarina” – (29 dhjetor 2022)***

Nën përkujdesjen e Drejtorisë për Kulturë, Rini dhe Sport dhe bashkëpunim me Korin e Fëmijëve “Okarina”, në Shtëpinë e Kulturës "Xhavit Haziri", për publikun dhe qytetarët e fëmijët e Obiliqit, u dha një koncert i përgaditur në vigjilje të festave të fundvitit.

➤ ***Festivali “Zjarr dhe Akull” – (21 dhjetor-30 dhjetor 2022)***

Në prag të festave të fundvitit, nën organizimin e Drejtorisë për Kulturë, Rini dhe Sport të Komunës së Obiliqit, është organizuar Festivali “Zjarr dhe Akull” i cili është realizuar për herë të parë në Obiliq. Ky Festival ka zgjatur dhjetë (10) ditë (21- 30 dhjetor 2022), nga ora 19:00 në Sheshin e Qytetit “Dëshmorët e Kombit” në Obiliq, nën motive të magjisë festive dhe nën tingujt e bukur të këngëtarëve e bendeve të zhanreve të ndryshëm.

- Nata e parë (21 dhjetor): Nita Latifi&Band
- Nata e dytë (22 dhjetor): Adelina Berisha
- Nata e tretë (23 dhjetor): Ashikët
- Nata e katërt (24 dhjetor): Sidorela Band
- Nata e pestë (25 dhjetor): Rina Ramadani
- Nata e gjashtë (26 dhjetor): TNT

- Nata e shtatë (27 dhjetor): Asim Gashi
- Nata e tetë (28 dhjetor): Betim Alihajdari
- Nata e nentë (29 dhjetor): Kastriot Grajqevci
- Nata e dhjetë (30 dhjetor): Xhaner Gashi&Unisons.

➤ *Aktiviteti i përvitshëm “Sportisti i Vitit 2022”*

Në aktivitetin e përvitshëm “Sportisti i Vitit”, nën përkujdesjen e Drejtorisë për Kulturë, Rini dhe Sport u ndanë mirënjohjet për sportistët e dalluar të komunës së Obiliqit, të cilët me talentin, punën e përkushtimin tyre po arrijnë rezultate të jashtëzakonshme duke bërë krenar gjithë qytetin e Obiliqit. Për këtë vit, titulli “Sportisti i Vitit” i takoj karateistit, Islam Selmani, nga klubi i Karatesë “Besa-Obiliq”, Titulli Ambasador i takoj futbollistit i cili bëri krenar Obiliqin dhe gjithë Kosovën, Armend Thaqi, ndërsa mirënjohjen post-mortem i ndamë familjes së z.Izet Kastratit, po ashtu mirënjohje u ndan për sportistët që kontribuan ndër vite dhe për sportistët më me perspektiv.

Drejtoria për Kulturë, Rini dhe Sport, menaxhon me objektet kulturore, sportive dhe Bibliotekës, ku gjatë tërë vitit është përkujdesur në ofrimin e kushteve të përshtatshme për realizimin e aktiviteteve sportive, kulturore e rinore:

➤ *Shtëpia e Kulturës “Xhavit Haziri”*

Në Shtëpinë e Kulturës “Xhavit Haziri” janë realizuar aktivitete kulturore-artistike të prezantuara mësipër, njëkohësisht janë mbajtur ushtrimet e rregullta nga AKV “Qyteti i Obiliqit” dhe ushtrimet skenike e teatrale të Teatrit të Qytetit dhe aktivitete të tjera nga OJQ-të e Komunës së Obiliqit.

➤ *Palestra Sportive “Adem Jashari”*

Në Palestrën Sportive “Adem Jashari”, janë realizuar stërvitjet e rregullta të klubeve, ndeshjet miqësore dhe aktivitete të tjera sportive, nuk ka pasur asnjë ndërprerje të aktiviteteve gjatë kësaj periudhe.

➤ *Biblioteka e Qytetit*

Që nga data 14 Qershor 2022, tashmë kemi funksionalizimin e objektit të Bibliotekës së Qytetit, ku përveç orarit të rregullt të punës, Biblioteka e Qytetit ka qenë e hapur deri në ora 23:00. Njëkohësisht, kemi bashkëpunuar me dashamirës të librit: mësimdhënës, nxënës, shkrimtar , në mënyrë që të kemi ngritje të vetëdijes rreth lexushmërisë.

- Është bërë pasurimi me 50 tituj librash nga shkrimtari z.Jusuf Buxhovi.
- Është bërë pasurimi me një sërë titujsh nga shkrimtari z.Betim Bregovina, duke përfshirë vepra me shkronja të zmadhuara dhe të formatit brajt për persona me vështirësi në të pamurit.
- Është bërë pasurimi me mbi 400 tituj librash nga MKRS-ja.

Në nderim të të rënëve për liri e shtet ndërtim, Drejtoria për Kulturë ka organizuar:

- Ceremoni të homazheve për nder të Epopesë së UÇK-së, 5-6 dhe 7 Mars, pranë “Pllakës Përkujtimore të Dëshmorëve” në Sheshin e qytetit dhe në Kompleksin Memorial “Adem Jashari” në Prekaz.
- Ceremoni të homazheve në nderim të “Dëshmoreve të familjes Rama, Martirëve të familjes Halimi dhe Haliti”.
- Ceremoni të homazheve në nderim të të rënëve të familjes Morina, pranë Pllakës përkujtimore në Milloshevë.
- Ceremoni të homazheve në nderim të “Dëshmorit Ferit Curri”, pranë lapidarit në fshatin Mazgit.
- Ceremoni të homazheve në nderim të “Dëshmorit Fejzullah Grajçevci”, pranë Pllakës Përkujtimore në fshatin Graboc.
- Ceremoni të homazheve në nderim të “Dëshmorit Murat Krasniqi”, në Stanoc.
- Ceremoni të homazheve pranë “Pllakës Përkujtimore të Dëshmorëve”, në fshatin Siboc.
- Ceremoni të homazheve pranë në nderim të “Dëshmorit Hasan Hasani”, pranë varrit në fshatin Mazgit.
- Ceremoni të homazheve te “Martirët e familjes Aliu”, pranë Pllakës Përkujtimore në fshatin Milloshevë.
- Ceremoni të homazheve për “Dëshmoret e rënë në Betejën e Hades”.
- Ceremoni të homazheve në nderim të “Dëshomirt Avdullah Qerkezi”.
- Ceremoni të homazheve në nderim të “Dëshmorit Faik Mjeku”, pranë Pllakës Përkujtimore në fshatin Graboc.
- Ceremoni të homazheve në nderim të “Dëshmorit Nuhi Kelmendi”, pranë varrit në fshatin Hamidi.
- Ceremoni të homazheve në nderim të “Heroit të Kombit Xhavit Haziri”, pranë Shtatores së Heroit të Kombit, të Shtëpia e Kulturës “Xhavit Haziri”.
- Ceremoni të homazheve në nderim të “Dëshmorit Isuf Shalaku”, pranë Pllakës Përkujtimore në Dardhishtë.

- Ceremoni të homazheve në nderim të “Heroit të Kombit Fahri Fazliu”, pranë bustit të Heroit në Obiliq.

Shënim: Gjatë këtij viti të punës, janë ndërmarrë edhe veprime të tjera, janë shqyrtuar me afat kohor kërkesat e palëve, janë diskutuar dhe komentuar aktivitete dhe ide të ndryshme që i përkasin sektorit të tashëgimisë, janë realizuar vizita në teren në bashkëpunim me Inspektoratin e Trashëgimisë Kulturore të MKRS-së, janë realizuar raporte të shumta përmbledhese për infrastrukturën fizike sportive, kulturore dhe rinore sipas kërkesës së Ministrisë së Kulturës, Rinisë dhe Sportit, janë realizuar takime me akteret të shumtë të nivelit lokal e qendror, duke përfshirë u.d sekretarin e përgjithshëm të MKRS-së, takime me përfaqësuesit e KFOR-it LMT K9 zviceran, u.d drejtorin e Teatrit Dodona, drejtorin e Baletit Kombëtarë të Kosovës, drejtoret komunal të sektorit të Kulturës, Rinisë dhe Sportit nga Komuna e Fushë Kosovës dhe Podujevës.

Dhjetor, 2022

